

Xojon carta xi kiskiì íjtòn San Pedro

Kó tsò Pedro nga síhixat'aà xita

1 ¹An xi 'mì-nà Pedro, nga 'an tsibíxáya-na Jesucristo, síhixat'aà-nò ngats'ioò xi xó jaàjìin-nò Nainá nga mì tì nangui-nò titsajna-nò nga xkì xi ján naxandá kitsjohoya ya nangui Ponto, Galacia, Capadocia, Asia kò Bitinia; ²jñò xi xó kitjaàjìin-nò, koni s'ín jye tjíndaà-là xi kjohítsjeèn-là Nainá xi Nà'èn-ná ma, nga jè Inima Tsjeè-là k'oaá s'ín kisikò-nò nga nguì xita-là Nainá ma, mé-ne nga sikitason-là Jesucristo kò mé-ne ma xíxteèn-jno-nò jní-là nga matsjeèya inima-nò kjoa ts'e jé-nò. Tsee kjondaà kò kjoa'nchán kàtas'e-là inima-nò.

Kjotjò xi chiñakjoa-lá xi tjínatjò-là Nainá ján ngajmì

³Jeya kàtìjna Nainá xi Nà'èn-là Jesucristo xi otíxoma-ná. 'Nó tse kjoahimatakòn tjín-là: koni s'ín jaáya-là Jesucristo kjoa ts'e kjoabiyaà, k'oaá kisikò-ná Nainá nga kits'in xitse ijngod k'aá mé-ne nga kjit'aà nachrjein chíñakjoaá ⁴nga tsjá-ná kjotjò xi jè tjínatjò-là ján ngajmì, kjotjò xi mìkiì bits'on nita kjé-ne, mìkiì bi'ndo kò mìkiì bixòña. Kjotjò jè, jñá tjoé-ná. ⁵Ta ngatjì-là nga mokjeiín-ná it'aà ts'e Nainá, jè nga'ño-là síkinda-ná skanda k'e nga kitjokàjñaá kjo'in koni s'ín tjíndaà-là Nainá k'e nga jye kjoehet'aà nachrjein.

⁶Koií kjoa-là, jñò, 'nó tsja tjín-nò, nas'ín tjín i'nga nachrjein nga makájno-nò nga kjìn skaya kjo'in nìkjioón. ⁷K'oaá ma-ne nga kjo'in nìkjioón nga ma chít'aà-nò tsà ndaà mokjeiín-nò. K'oaá ngaya-là koni jè oro, mochjeén-né nga kò ni'ín kotsjeèya-ne. Kò jè kjoa nga mokjeiín-nò isaá 'nó chjí-là mì k'oaá-ne koni jè oro xi bits'ón-ya. Jñò, k'e nga jye chít'aà-nò koni s'ín mokjeiín-nò, jeyaá kitsajnaà, 'ngaá kitsajnaà kò jchaxkón-nò k'e nga kjoíí ijngod k'a Jesucristo.

⁸ Jñò, matsjacha-nò Jesucristo, nas'ín mìkiì kiyaxkoòn. Mokjeín-nò it'aà ts'e, nas'ín mìkiì titsa'yaà. 'Nó tsja ma-nò skanda tsjìn 'én xi ma s'enojmí nga 'ñó tjín-nò kjotsja. ⁹ Koif kjoa-la nga matsja-nò nga jye titsabitjokàjñòd kjo'in ta ngatjì-la nga mokjeín-nò it'aà ts'e Cristo.

¹⁰ Jè kjoa nga bitjokàjñòd kjo'in, jñà xitá xi kiichja ngajo-la Nainá kjòtseé, kiskoòta'yàko-né tikoaá kiskònanguiya-né, ijkjoàn kiichjaya jè kjondaà xi tsjá-nò Nainá. ¹¹ Jñà xitá koi, jè Inima-la Cristo kisikichiya ítjòn-la mé kjo'in xi siikjeín Cristo kò kjoa jeya xi s'e-la k'e nga koma iskan. Kiskònanguiya-né mé nàchrjein-ne nga k'oas'ín komat'in koa kós'ín koma. ¹² Tanga jè Nainá kisikichiya-la nga mìtsà kjondaà ts'e nga kos'ín kis'enojmí-la 'én koi; kjondaà tsajòn-nò. Kò jñà 'én koi, tijnà-ne 'én ndaà-la Nainá xi kjoa ts'e Cristo xi tís'enojmí-nò nàchrjein i'ndei. Nga tijé-ne Inima Tsjeè-la Nainá xi ngajmiì nchrobá-ne tsjá-la nga'ñó jñà xitá xi bénojmí-nò. Skanda jñà àkjale, mejèn-la skoe kjoa koi.

Mochjeén-né nga tsjeè sijchá yijo-ná

¹³ Koif kjoa-la jñò, titsajnandaà, ndaà tikítsjeèn, ngui ndaà chíñakjoa-la kjondaà xi tjoé-nò k'e nga kjoif ijngod k'a Jesucristo. ¹⁴ K'oas'ín ndaà tijchá yijo-nò koni ixti xi ndaà 'nchréñijon. Kì k'oa tís'ín 'nè-nò koni s'ín ki'nè nga sa ítjòn nga ch'o tjín kjoa xi kisijé yijo-nò k'e nga tikj'eè ndaà yaxkoòn Nainá. ¹⁵ Ta saá tsjeè tijchá yijo-nò ngats'iì kjoa xi 'nè, nga jè Nainá xi xó kiichja-nò, xitá tsjeè-né. ¹⁶ Nga jè Xojon-la Nainá, k'oaá s'ín tíchja nga tsò: “Jñò, xitá tsjeè kàtama, nga 'an, xitá tsjeè-ná.”

¹⁷ Jñò, tsà Na'èn 'mì-la Nainá xi ta ngàsòn tífiko ngats'iì xitá k'e nga bìndaajjìn-la nitá mé kjoa xi s'ín, mochjeén-né nga kjit'aà nàchrjein ndaà jchaxkón nga i titsajnaà isò'nde nga mìtsà i nangui-nò. ¹⁸ Jñò, jyeé ndaà tíjiìn-nò nga mìtsà tsojmi xi ma-la bits'on kjòchjítjì-nò nga ma titsajnandeí-nò ngats'iì kjoa ch'o xi nímé chjí-la koni s'ín tsakó-nò xitá jchínga-nò. Mìtsà ton oro kò ton plata kjòchjítjì-nò. ¹⁹ Jè jní-la Cristo xi 'ñó tse chjí-la kjòchjítjì-nò. Cristo kitsjaà kjotjò yijo-la nga k'en-t'aà krò koni jngod orrè xi tsjeè kji, xi nímé ch'in tjt'aà yijo-la. ²⁰ Tik'e-ne nga tikj'eè sindaà isò'nde, Cristo, k'oaá s'ín kisinè-la kjoa xi siikitasòn. Tanga jè nàchrjein xi titsajnaá

ĩndeĩ ki'ya-là nga j'ìi Cristo nga kisikitasòn kjoa xi kisinè-là xi kjondaà tsajòn. ²¹ Xi it'aà ts'e Cristo, jñò mokjeín-nò it'aà ts'e Nainá; nga jè kisikjaáya-là it'aà ts'e kjoabiyaà, tikoá kitsjaà-là kjoa jeya; k'oaá ma-ne nga mokjeín-nò kò chiñà nga s̀ikitasòn Nainá koni s'ín kitsjaà-nò tso'ba.

²² Jè inima-nò, jyeé kjòtsjeè, koif kjoa-là nga ǹikitasòn koni tsò 'én kixi-là Nainá mé-ne nga kixi sitjòchaà xinguiòo. K'oaá ma-ne nga mochjeén-né nga 'ñó ndaà t̀itsjacha xinguiòo nga tsjeè t̀jín inima-nò. ²³ Jñò, ìjngoò k'a kits'iìn xitse ìjngoò k'a-nò. Tanga mìtsà tje-là xita xi biyaà kits'iìn-nò, jè tje-là Nainá xi mìkiì biyaà kits'iìn-nò. Nga jè 'én-là Nainá xi t̀jnakon kò xi mìkiì fehet'aà nita kjé-ne kits'iìn ìjngoò k'a-nò. ²⁴ Nga k'oaá s'ín tichja Xojon-là Nainá nga tsò:

Ngats'iì xita, k'oaá s'ín गया-là koni xka ijñá;
kjoajeya-là xita, k'oaá s'ín गया-là koni naxó-là xka ijñá;
jñà xka ijñá, xì-né; ikjoàn bixòjen naxó-là.

²⁵ Tanga jè 'én-là Nainá t̀jna-né nita kjé-ne. 'Én jè, jè 'én ndaà-là Nainá xi kjoa ts'e Cristo xi jye kis'enojmí-nò.

Naxandá xitse-là Nainá

2 ¹ Chjaàxin-là yijo-nò xi kjoa ts'en, kjoa chonachan, kjoa ts'e xita xi jò isén t̀jín-là, kjoaxitakòn, ngats'iì 'én ndiso. ² Kos'ín t'een koni s'ín ndí ìxti xi sa kits'iìn nga 'ñó síjé tsjín nga mejèn-là koki. K'oaá t̀s'ín 'ñó t̀inchátsjiodè jè 'én-là Nainá xi nguì 'én tsjeè mé-ne nga jè kojchá-nò kò kochrjekàjìin-nò kjo'in Nainá, ³ nga jyeé ki'yaà jñò nga jè Na'è-ná, 'ñó ndaà xita.

Jè ndajo xi t̀jnakon

⁴ Jè Jesucristo, jè गया-là jngoò ndajo xi t̀jnakon, jè xi ochrjekàngui jñà xita, tanga Nainá xó k'oaá s'ín jaàjìin-ne nga 'ñó tse chjì-là. Jñò, k'e nga binchat'aà chrañà-là Cristo, ⁵ tikoá k'oaá s'ín गया-nò koni ndajo xi t̀tsajnakon. Nainá t̀síkjeén-nò koni ndajo nga t̀bíndaà ni'ya tsjeè-là mé-ne jñò, no'miì tsjeè koma nga ya sixá nga it'aà ts'e Jesucristo k'oi-là kjotjò Nainá xi jè ndaà sasén-là koni s'ín okóya Inima Tsjeè-là. ⁶ K'oaá s'ín tichja Xojon-là Nainá nga tsò:

Chítsejèn-là, 'an síkijna jngoàà ndajo nga'ñó-là chrjangui-là ni'ya ján naxandá Sión,

xi xó 'an jaàjìin-na,
xi 'nó ndaà kji ko 'nó tse chjí-la.

Jè xi kòkjeiín-la it'aà ts'e, mìkiì kòsobà-la.

⁷Jñò, xi mokjeiín-nò it'aà ts'e ndajo jè, bixón-nò: 'nó tse chjí-la. Tanga jñà xitá xi mìkiì mokjeiín-la, bitasòn-né koni s'ín tíchja Xojon-la Nainá nga tsò:

Jè ndajo xi tschrjekàngui chjinechrjó,
jè xi ndajo sko-la koma ts'e chrjangui-la ni'ya.

⁸Ijngòò k'a tjt'aà Xojon-la Nainá ñánda tsò:

Ndajo jè, kjin xitá satíngui ko kjin xitá kixangui.

Jñà xitá koi, k'oaá s'ín mat'in nga mìkiì síkitasòn koni tsò 'én-la Nainá; koií kòs'ín mat'in-ne nga k'oaá s'ín ok'in-la.

Jè naxandá-la Nainá

⁹Tanga jñò, xitá naxandá xi xó kitjaàjìin-nò. Jñò, no'miì xi nixá-la Cristo, jè xi xitaxá ítjòn tíjna. Jñò, xi naxandá tsjeè-la Nainá 'mì-nò, jngòò naxandá xi ya nokjoà-nò it'aà ts'e Nainá mé-ne nga koma kinókjoaya-nò kjondaà-la Nainá xi tsachrjekàjìin-nò kjoa ts'e jé ñánda jñò choòn koa yaá kisikítsajna-nò ñánda iseèn choòn. ¹⁰Jñò, nga sa kjòtsee skanda mìtsà xitá naxandá 'mì-nò; tanga i'ndeì naxandá-la Nainá 'mì-nò. Nga sa kjòtsee Nainá mìkiì mahimakeè-nò; tanga i'ndeì, jyeé mahimakeè-nò.

¹¹Jñò ndí 'ndsè xi 'nó matsjacha-nò, bítsi'ba-nò koni xitá xi mì tì nangui-nò titsajna-nò xi ta titsabitjaajtòò i isò'nde, kì kiì biì'nde-la yijo-nò kjoa ts'e jé xi síjé yijo-nò xi kjaán-ko inìma-nò. ¹²Ndaà tanguíkoo yijo-nò ya ijìin-la xitá xi mìkiì mokjeiín-la it'aà ts'e Cristo. Jñà xitá koi, nas'ín chjajno-nò i'ndeì, tanga k'e nga kjoí ijngòò k'a Cristo tsjá-la kjondaà Nainá koií kjoa-la nga skoexkon-nò nga ndaà tita'nè.

Jchaxkoán xitaxá

¹³Nga jeya kíjna-ne Na'èn-ná, tìkitasòn-là ngats'iì xitá isò'nde xi kjotíxoma tíjya tsja, jñà xi 'nó 'nga xá tjín-la, xi xitá sko-la títsajna; ¹⁴tìkoo tìkitasòn-là jñà xi gobernador títsajna nga jè xitaxá ítjòn síkasén nga tsjá-la kjo'in xitá xi kjoa ótsji; koa jñà xi ndaà s'ín, ndaà síkítsajna. ¹⁵Nainá k'oaá s'ín mejèn-la nga jñò, ndaà s'een, mé-ne jñà xitá xi mìkiì machiya-la jyò kítsajna-ne, nímé 'én kichja xi kondra tsajòn.

¹⁶Jñò, k'oaá s'ín tìjchá yijo-nò nga tìtsajñandeíí-nò, tanga kì k'oaá s'ín nìkìtsjeèn nga tìj'nde-nò nga ch'o s'een. K'oaá s'ín tìjchá yijo-nò nga ch'i'nda-la Nainá maà. ¹⁷Jchaxkón yije xìta. Tìtsjacha xi 'ndse chibà. Tìskón-chaà Nainá. Jchaxkón jè xi xìtaxá ítjòn tìjna.

Kjoa xi tìjnè-la nga sìikitasòn xi ch'i'nda 'mì

¹⁸Jñò xi xìta ch'i'nda 'mì-nò, jchaxkón koa tìkitasòn-la nei-nò. Mìtsà ta jñà nei-nò xi ndaà síko-nò ko xi beètjò-nò, tìkooá tìkitasòn-la jñà xi ch'o síko-nò. ¹⁹Ndaà bìtsajna nga nguixkòn Nainá jñà xìta xi kjo'in síkjeíin nas'ín mì jè tìjn-la ta jè ngatjì-la nga machiya-la kó tsò Nainá. ²⁰Jñò, tsà kjo'in tsjá-nò xìta nga jè binchaàtsjiod, ¿mé xi ndaà kìtsajna-nò? Tanga tsà kjo'in tìtsanjìoón nga ndaà 'nè, ndaà sìikìtsajna-nò Nainá. ²¹Nga koií xá kìichja-nò Nainá nga jè Cristo kìsikjeíin kjo'in xi kjoa tsajòn. Tsibíjna jngoò-nò chibà nga k'oas'ín sìkitasòn koni s'ín kìsikitasòn jè. ²²Cristo, nijngoò jè tsohótsji, ko nijngoò 'én ndiso kìichja. ²³K'e nga kìichjajno-la xìta, mìkìi tsà kìichjajno ngajo-la. K'e nga kìsikjeíin kjo'in, mìkìi tsà koa tìs'ín kìs'iin ngajo-ne. Ta Nainá tsibíya tsja, nga jè xi bíndaajìin kjoakixì. ²⁴Jè sobà Cristo tsakajen jé-ná k'e nga kìsìtjodè'aà yijo-la ya krò, mé-ne jñà kìtsajnakon-ná nga nìkitasoán xi kjoa kixì nga jyeé tìtsajnat'aaxìn-lá kjoa ts'e jè koni tsà jye k'eén. Jè Cristo, koni s'ín kìsikjeíin kjo'in nga kìtsì'on, jñò kjòndaá-nò. ²⁵Jñò, nga sa kjòtseé, k'oaá s'ín tsitjaà koni orrè xi kìsìjchàaxkon ndiyá-la, tanga i'ndeí, jyeé inchrobàt'aà-la Cristo koni jngoò paxtò xi síkinda inìma-nò.

Kós'ín sìijchá yijo-la jè x'in ko chjoón

3 ¹K'oaá tìs'ín tìjn ít'aà tsajòn xi íchjín 'mì-nò, nangui tìtsajna-la x'in-nò, mé-ne jñà xìta x'in-nò tsà tìjn i'nga xi mìkìi mokjeíin-la 'én-la Nainá, kòkjeíin-la, nas'ín mìkìi kìnókjoakoo kjoa ts'e Nainá. K'e nga skoexkon-nò nga ndaà tìtsanjìchá yijo-nò tìkooá sìikjatjìyaá-la yijo-la. ²Skòtsejèn-nò nga tsjeè tìtsanjìchá yijo-nò nga ndaà yaxkón Nainá. ³Ko kì tà isò'nga-la yijo-nò 'ñó ndaà bíndaà, nga 'ñó ndaà bí'ñó tsja skòd, nga ndátòn chjì nìkjeén xi nguì oro, nga jñà nikje x'íó-nò 'ñó xkón kjoàn. ⁴Majìn, jè xi nchrobájjìin inìma-nò xi ndaà síkatsejèn-nò, jè-né xi mìkìi bits'on, jè inìma xi indaàkjoa ko xi

'nchán tǐjna. Jè xi 'nǒ tse chjǐ-là nga nguixkǒn Nainá. ⁵Nga sa kjǒtsee, jǎà íchjín xi ndaà kǐjtseeǎkón Nainá nga kiskoòǎ-là, k'oaá s'ín ndaà tsatsejèn nga nangui tsibítsajna-là x'ín-là.

⁶K'oaá s'ín kis'iin Sara nga kisíkitasón-là Abraham. K'oaá ma-ne nga ndaà kǐjtseeǎkón nga jè xi Na'èn tǐjna. Jǎò, tsà ndaà 'nè kǒ tsà nímé kjoǎkón tǐjn-nò, tje-là Saraá ma.

⁷Jǎò xi x'ín 'mì-nò, ndaà tǐtsajnakoo jǎà íchjín-nò nga ndaà kàtachiya-nò nga isaá indaàkjoa. Ndaà jchaxkón íchjín-nò nga ngásón tjoé-nò jè kjondaà-là Nainá, jè kjoabinachon xi jè Nainá jye tǐndaà-là nga tsjá-nò. K'oaá s'ín t'een mé-ne k'e nga nokjoàt'aà-là Nainá, nímé sǐjiti-nò.

Kós'ín sǐjchá yijo-là ngats'iì xǐta-là Nainá

⁸Nga yije kjoa koi, ngats'ioò, ta jngoò kjohítsjeèn kàtas'e-nò; tǐjetakón xinguiò; tǐjcha t'een xinguiò nga 'ndsè chiba; chahimaa xinguiò; ima kjoa t'een. ⁹Tsà yá xi ch'o síko-nò, kǐ k'oaá tǐs'ín 'nè ngajo-nò. Tsà yá xi 'on chjajno-nò, kǐ k'oaá tǐs'ín nokjoàjno ngajo-là. Jǎò, tǎ saá tǐjé't'aà-là Nainá nga kàtasíchikon-t'in; nga jyeé 'yaà nga koií xá kinokjoá-nò nga Nainá sǐchikon-t'in-nò. ¹⁰Nga:

Jè xi mejèn-là nga tsja s'e-là nga tǐjnakon,
nga mejèn-là skoe nachrjein xi ndaà,
kàtasíkinda nijen-là nga mì ch'o kichja;
kǒ kàtasíkinda tso'ba, nga mì 'én ndiso kichja.

¹¹Tǐnchat'aàxìn-là kjoa xi ch'o tǐjn; ndaà t'een.

'Nchán tǐtsajnakoo xinguiò nǐta mé kjoa xi tǐjn-nò.

¹²Nga jè Na'èn-ná tísík'aá xkǒn nga tísíkinda xi xǐta kixi, tǐbinchá líká-là nga tǐ'nchré-là k'e nga chjat'aà-là, tanga jǎà xǐta xi ch'o s'ín bí'maá-là isén-là nga kondra ts'e-né.

¹³Jǎò, tsà kjit'aà nachrjein nga ndaà tǐtsa'nè, mì yá xǐta xi ch'o sǐko-nò. ¹⁴Tanga mé ta ndaà-nò tsà kjo'in tǐtsanìkjioón ta koi kjoa-là nga kixi 'nè. Tanga nǐ jngoò xǐta tsakjoòn-là, kǐ binchaxkón-là yijo-nò. ¹⁵Jè tǐkǐjna ítjòn Cristo nga jè kàtatíxoma-nò ya jǐiin inima-nò. Tǐtsajnaanda nga kjit'aà nachrjein mé-ne nga koma kénomíya-là jǎà xǐta xi skonanguiya-nò it'aà ts'e kjoa xi tǐtsachiñá-là it'aà ts'e Cristo. ¹⁶K'e nga kǐnókjoaa, indaàkjoa t'een. Chaxkón jǎà xi kénomíya-là, tsjeé kàtǐjna kjohítsjeèn-nò, mé-ne jǎà xǐta xi ch'o chjajno-nò nga ndaà 'nè nga

mokjeiín-nò it'aà ts'e Cristo, kosobà-la nga jñò chjajno-nò. ¹⁷Ìsáa ndaà tjín tsà kos'ín mejèn-la Nainá nga kjo'in sikjioón k'e nga ndaà 'nè, mì k'oà-ne tsà k'e nga ch'o 'nè.

¹⁸Nga skanda jè Cristo, jngod k'aá kisikjeiín kjo'in k'e nga k'en xi kjoa ts'e jé-ná. Cristo, mitsà jé tsohótsji; xita kixi-né; kisikjeiín kjo'in it'aà ts'e xita xi jé tjín-la mé-ne nga koma kjiko-ná nguixkon Nainá. Yijo-la, jñà xita kisik'en, tanga it'aà ts'e Inima-la jaáya òjngod k'a-la. ¹⁹Ko jè Inima-la Cristo kiì ì'nde nándá títsajna inima xi títsajnaya ndayá nga kiichjayajin-la. ²⁰Inima koi, ts'eé xita xi mìkiì kiì'nchréñijon-la Nainá nchrjein ts'e Noé. Nainá tseé kiskodñà kjoa k'e nga Noé tsibíndaà chitso je. Ya iya chitso, tà jin ma-ne xita xi itjokajin kjo'in nga mìkiì k'en k'e nga ts'a jtsí xkón. ²¹Ko jè nandá ts'e jtsí xkón, jè ngaya-la nandá xi ma-ná bautizar nchrjein ì'ndeì nga bitjokajñá kjo'in. Tanga nga maá bautizar, mitsà yijo-ná matsjeè-ne, jè-né nga ñjé't'aà-lá Nainá nga tsjeè kátas'e kjohítsjeèn-ná. Ko bitjokajñá kjo'in, koií kjoa-la nga jaáya-la Cristo, ²²ko kiì mijin ján ngajmiì nga ya tíjnat'aà chrja kixi-la Nainá. Jé tíhotíxoma-la àkjale ko inima xi tjín-la kjotíxoma ko ngats'ìi xi tjín-la nga'ño.

4 ¹Cristo, koni s'ín kisikjeiín kjo'in yijo-la, jñò, tikoáa mochjeén-né nga kitsajnandaà nga sikjioón kjo'in. Nga jè xi jye kisikjeiín kjo'in, yaá jyehet'aà jé-la, ²mé-ne jñà nchrjein xi kijná isa isò'nde, k'oáa s'ín kàtijna koni s'ín mejèn-la Nainá, mitsà k'oas'ín kijná koni s'ín mejèn-la yijo-la. ³Jyeé 'ño kjin nchrjein kinikato nga ch'o ki'nè koni s'ín xita xi mìkiì beèxkon Nainá. K'oáa s'ín kinikod yijo-nò kjoa xi ch'o tjín koni kjoa chijngui, kjoa ch'o xi síjé yijo-nò, ko kjoa ch'i, kjoa ts'e s'eí xi ch'o tjín, ko nga ta xán kí'yò kjit'aà, ko nga xkósòn kiyaxkón nga mitsà kixi kjoa nga Nainá. ⁴Ì'ndeì jñà xita koi, ta maxkón-la it'aà tsajòn nga mì ti kiì ya tsjahijtako-nò kjoa xi ch'o tjín; bijnòkeè-nò; ch'oó chjajno-nò. ⁵Tanga jñà xita koi, tjínè-la nga tsjá-la kindá Nainá; jè Nainá xi tíjnandaà nga koìndaajin-la xita xi títsajnakon ko xi jye k'en. ⁶Koií kjoa-la nga k'oáa tis'ín kis'enojmí-la 'én ndaà-la Nainá xi kjoa ts'e Cristo jñà xita xi jye k'en, mé-ne nas'ín jñà yijo-la kisikjeiín kjo'in koni s'ín bindaajin xita isò'nde, tanga jñà inima-la títsajnakon-né nita kjé-ne koni s'ín tíjnakon kjit'aà Nainá.

⁷Jyeé tímachrañà nga kjoehet'aà isò'nde, koií kjoa-la jñò, ndaà titsajnakoo kjohítsjeèn-nò; kjit'aà nachrjein tìtsi'ba-là Nainá. ⁸Jè xi tìjna ítjòn, jè-né nga 'ñó tjòcha t'een xinguioo. Tsà tìjn-nò kjoatjòcha, komaá sijchàat'aà-là jé-la xinguioo. ⁹Chjoétjò xita xinguioo k'e nga bijchókon-nò tsà mejèn-la nga sìkjáya ya ni'ya-nò. Tsja t'è-là inima-nò; kì ch'o chibàya-nò. ¹⁰Nga jngoò ìjngodò, koni s'ín tìjn kjondaà xi kitsjaà-nò Nainá, k'oas'ín tìsikodò xinguioo nga ndaà tìchjeén, nga kjìn skoya tìjn-ne kjondaà xi kitjoé-nò. ¹¹Jè xita xi k'oas'ín kits'iì-la nga 'én-la Nainá kichjaya, k'oaá s'ín kàtichjaya koni tsò 'én-la Nainá. Kò jè xita xi k'oas'ín kits'iì-la nga sìxá, k'oaá s'ín kàtasíxá koni tìjn nga'ñó xi tsjá-la Nainá. Nita mé xi s'een, k'oaá s'ín t'een mé-ne nga it'aà ts'e Jesucristo jeya kíjna-ne Nainá. Nga ts'eé Cristo jè kjoajeya kò ngats'iì nga'ñó xi tìjn skanda nita kjé-ne. K'oas'ín kàtama.

Sìkjiaán kjo'in nga xita-la Cristo 'mì-ná

¹²Jñò ndí 'ndsè xi matsjake-nò, kì maxkón-nò nga 'ñó 'in tìjn kjoa xi nchrobánè-nò nga tìchit'aà-nò. ¹³Ta saá kàtas'e-nò kjotsja nga tíhoko chiba-nò kjo'in ts'e Cristo, mé-ne nga tìkoa s'e-nò kjotsja k'e nga jcha-la kjoajeya-la Cristo. ¹⁴Jñò, mé ta ndaà-nò k'e nga tsà xita kotít'aà-nò xi kjoa ts'e Cristo nga jè kjoajeya-la Inima Tsjeè-la Nainá yaá tìjnako-nò. ¹⁵Tsà kjo'in tìtsanikjioón, chítsejèn-là yijo-nò, a koií kjoa-la nga ch'o 'nè, nga xita nìk'eèn, nga chijé 'nè, nga chingájiin chingá'a kjoa. Kì k'oaá tìjn jé xi binchaatsjioò. ¹⁶Tanga tsà kjo'in tìtsanikjioón nga xita-la Cristo maá, kì masobà-nò; ta saá jeya tìkíjna Nainá nga xita-la tsò-nò.

¹⁷Jyeé ijchò nachrjein nga kots'ia nga sindaàjiin-la xita naxandá-la Nainá. Tsà jñá tímats'ia ítjòn kò-ná, ¿mé xi komat'in jñà xita xi mìkiì síkitasòn 'én ndaà-la Nainá?

¹⁸Jè xi xita kixi, chjá koma-la nga kitjokàjiin kjo'in.

¿Kós'ín komat'in jñà xita xi mìkiì beèxkón Nainá kò xi jé ótsji?

¹⁹K'oaá ma-ne, jñà xita xi kjo'in síkjeiín nga kos'ín mejèn-la Nainá, kì bíkjoàn-la nga ndaà s'ín. Jè Nainá kàta'ñót'aà takòn nga jè kàtasíkinda, nga jè tsibíndaà jñà xita kò jè síkitasòn-né koni s'ín tsjá tso'ba.

Jñà xit̃a jchínga xi xá ít̃jòn t̃jín-la yà naxandá-la Nainá

5 ¹Sijét'aà-la jñà xit̃a jchínga xi xá ít̃jòn t̃jín-la nga ya síxájiin-nò yà naxandá-la Nainá. T̃ikoaá 'an, xit̃a jchínga-ná nga xá ít̃jòn t̃jín-na koni jñà xit̃a koi; k̃ijtseè-ná k̃jo'in xi kis'e-la Cristo; t̃ikoaá s'eé-na k̃joajeya xi iskan jcha-la. ²T̃ikindaa jñà xit̃a-la Nainá xi jñò k̃jòngatsja koni tsà orrè; k̃i k̃jo'ñó 'nè-là yijo-nò; koó k̃jondaà-nò nga t̃ikindaa koni s'ín mejèn-la Nainá. Mitsà koií k̃joa nga tse t̃on s̃ikijneè. Tà koó k̃jòtsja-nò nga k'oa t'een. ³Kì yatoòn-jèn jñà xit̃a xi jñò mangatsja koni tsà nei-la ma. Jñò t̃incha ít̃jòn-là, takó-la ndiyá-la Nainá mé-ne koma skíngui-nò. ⁴Mé-ne k'e nga k̃joíí ìjngòò k'a jè Paxtò ít̃jòn, t̃joé-nò k̃joajeya-la Nainá koni jngòò corona xi mìkiì fehejno ote-la nit̃a k̃jé-ne.


⁵T̃ikoa jñò xi ixti xongó 'mì-nò, t̃ikitasòn-là jñà xit̃a jchínga xi otíxoma yà jiin naxandá-la Nainá. Ngats'iodè, indaàk̃joa tanguíkoo xinguioo, nga:

Jè Nainá kondraá t̃jna-la jñà xit̃a xi 'nga ikon;

koa jñà xit̃a xi indaàk̃joa t̃jín inima-la, tsjá-la k̃jondaà.

⁶Nangui titsajna-là Nainá nga tse nga'ñó t̃jín-la koni s'ín síko-nò, mé-ne k'e nga k̃jichò nachrjein jè Nainá 'nga s̃ikítsajna-nò. ⁷Tsja Nainá t̃ikítsajnaya ngats'iì k̃joa xi makájno-nò nga jè t̃isíkinda-nò.

⁸T̃ikindaa yijo-nò, k̃jit'aà nachrjein titsajnandaà, nga jè xit̃a neií xi kondra-nò, k'oaá s'ín tsóbandiì-nò k'oaá ngaya-la koni jngòò xa xi t̃ikjindáya nga 'ñó ijò-la, nga t̃ihótsji yá xi sk̃ine. ⁹Nga ndaà mokjeiín-nò, 'ñó t̃incha-là xit̃a neií. Nga jyeé t̃jiin-nò nga jñà xit̃a xinguioo xi titsajna nga t̃jtsa isò'nde, t̃ikoaá k'oaá t̃jín k̃jo'in xi nchisíkjeiín. ¹⁰K'e nga jye koto chiba



Jngòò xa t̃ikjindáya nga 'ñó ijò-la

nāchrjein nga títsanìkjoón kjo'in, jè sobà Nainá sùindaàya-nò, sùikíjnandaà-nò, tsjá-nò nga'ńó, kò kixi sùikítsajna-nò. Tijé-ne Nainá xi kò kjoatjòcha-là kiichja-ná nga s'e-ná kjoajeya-là nità kjé-ne nga Jesucristo títsajnaoá. ¹¹Ts'ée Nainá ngats'iì nga'ńó xi tjin skanda nità kjé-ne. K'oas'ín kàtama.

Xi fehet'aà-ne, Pedro síhixat'aà xità

¹²Silvano, xi 'ndsè xan-là, nga kixi tjin xá-là, jè kisichját'aà-na nga kiskiì-nò xojon carta jè. K'oaá s'ín tìbìnè-nò kò tìsikixiya-nò nga ngats'iì 'én xi tìsikasén-nò, ngui k'oaá s'ín tjin kjondaà-là Nainá. Kixi títsajnakoo kjondaà koi.

¹³Nchisíhixat'aà-nò jñà xità naxandá-là Cristo xi i títsajna Babilonia xi xó taña kitjaàjìin-nò. Kò jè Marcos xi ki'ndí-na xan-là it'aà ts'e Cristo, tìkooá tísíhixat'aà-nò. ¹⁴Tiixot'aà xinguioo nga ngui kò inima-nò.

Kàtas'e-là kjoa'nchán jjiin inima-nò ngats'ioò xi ya nokjoà-nò it'aà ts'e Cristo. K'oas'ín kàtama.